

Temeljem člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) i Odluke o utvrđivanju kriterija i provođenje procedure za imenovanje članova upravnog vijeća Dobrovoljnog vatrogasnog društva Busovača, broj: 02-02-01-6433/24 od 06.12.2024. godine, Općinski načelnik raspisuje

JAVNI OGLAS
za imenovanje članova Upravnog odbora
Dobrovoljnog/Dragovoljnog vatrogasnog društva Busovača

I Predmet javnog oglasa

Imenovanje predsjednika i članova upravnog odbora Dobrovoljnog/Dragovoljnog vatrogasnog društva Busovača vrši Općinsko vijeće, na prijedlog Komisije / Povjerenstva za izbor članova Upravnog odbora Dobrovoljnog/Dragovoljnog vatrogasnog društva Busovača kojem je osnivač Općina Busovača.

Javni oglas raspisuje se za:

- 5 (pet) članova Upravnog odbora Dobrovoljnog/Dragovoljnog vatrogasnog društva Busovača.

II. Opis položaja

Upravni odbor Dobrovoljnog/Dragovoljnog vatrogasnog društva Busovača utvrđuje: prijedlog Statuta te njegove izmjene i dopune, prijedlog dnevnog reda, mjesto i datum održavanja sjednice Skupštine, program društvenih mjera i poduzima mjere za omasovljavanje članova, organizacijsko i materijalno jačanje DVD, prijedlog Izvještaja o radu i Godišnjeg finansijskog izvještaja, prijedlog dodjele vatrogasnih i drugih javnih priznanja članovima DVD, prijedlog o dodjeli statusa počasnog člana i počasnog dužnosnika DVD, prijedloge drugih akata koje donosi Skupština DVD, program obrazovanja i stručnog osposobljavanja vatrogasaca, te način provedbe teorijske nastave i praktičnih vježbi i politiku saradnje sa inostranim vatrogasnim organizacijama.

Upravni odbor Dobrovoljnog/Dragovoljnog vatrogasnog društva Busovača imenuje i razrješava: članove radnih tijela Upravnog odbora, svoje predstavnike u radna tijela u druge organe i organizacije s kojima saraduje, obavlja i druge poslove po ovlaštenju Skupštine, raspravlja o pitanjima od zajedničkog interesa za rad Društva, te na osnovu toga donosi određene odluke i opće akte koji su propisani Statutom.

Upravni odbor Dobrovoljnog/Dragovoljnog vatrogasnog društva Busovača donosi: odluku o prijemu i prestanku radnog odnosa uposlenih djelatnika uz prethodnu saglasnost Osnivača, izdaje rješenja o raspoređivanju na radno mjesto uposlenih djelatnika i preraspodjeli na drugo radno mjesto unutar DVD uz prethodnu saglasnost Osnivača, opće akte na osnovu ovog Statuta i propisa i prati njihovu provedbu, odluku o prihvatanju pristupanja članova u savez, te o isključenju iz saveza, odluku o počasnim članovima, odluku kojom se utvrđuje broj, način upotrebe, čuvanje i način uništavanja pečata i štambilja, prijedlog odluke za dodjelu vatrogasnih priznanja i nagrada, te predlaže članove za javna priznanja, odluku o pribavljanju i otuđivanju pokretne imovine i pribavljanju nepokretne imovine, odluku o zaključenju ugovora i drugih obaveza s inostranim društvima, odluku o tome koje su funkcije u DVD obavljaju profesionalno, te plaćama za obavljanje tih funkcija, uz prethodnu saglasnost Osnivača, odluku o žalbenim postupcima iz osnove rada uposlenih vatrogasnih djelatnika, odluku o službenim putovanjima delegacije u inostranstvo, odluku o provedbi godišnjih inventura, odluku o primanju u članstvo i prestanku članstva, druge opće akte iz svog djelokruga rada te prati njihovu provedbu.

Upravni odbor Dobrovoljnog/Dragovoljnog vatrogasnog društva Busovača osigurava: ostvarivanje Programa rada, Finansijskog plana, odluka, zaključaka, smjernica koje donosi Skupština, ostvarivanje programa međunarodne saradnje, djelovanje DVD u ratnim uslovima i s tim u vezi saraduje sa nadležnim općinskim organima.

Prije odlučivanja u Upravnom odboru Dobrovoljnog vatrogasnog društva, predsjednik i članovi Upravnog odbora su obavezni pribaviti odnosno zatražiti stav Općinskog vijeća o sljedećim pitanjima: statusnim promjenama, donošenju te izmjenama i dopunama Statuta DVD Busovača, Pravilnika o unutrašnjem ustrojstvu i Pravilnika o platama, imenovanju komandira, zamjenika komandira, sticanju, opterećenju ili otuđenju imovine društva.

III Mandat i uvjeti položaja

Upravni odbor Dobrovoljnog/Dragovoljnog vatrogasnog društva Busovača čine predsjednik i četiri (4) člana, a imenuje se na period od četiri (4) godine i za svoj rad imaju pravo na naknadu, koju utvrđuje Općinsko vijeće posebnom odlukom Općinskog vijeća u skladu sa Zakonom.

Svaki kandidat za predsjednika i člana Skupštine, mora ispunjavati sljedeće opće posebne uvjete:

Opći kriteriji za imenovanje kandidata

- da je državljanin BiH, (dokaz: uvjerenje o državljanstvu BiH ne starije od 6 mjeseci ili ovjerena kopija osobne iskaznice - CIPS),
- da je stariji od 18 godina, (dokaz: kopija osobne iskaznice – CIPS)
- da nije otpušten iz državne službe kao rezultat disciplinske mjere na bilo kojoj razini u BiH u periodu od tri (3) godine prije dana objavljivanja upražnjenog položaja (dokaz: izjava potpisana i ovjerena od nadležnog općinskog organa,
- da se na kandidata ne odnosi član IX 1. Ustava Bosne i Hercegovine (dokaz: potpisana izjava, ovjerena kod nadležnog općinskog organa),
- da nije na funkciji političke stranke u smislu člana 5. Zakona o ministarskim, vladinim i drugim imenovanjima («Sl. novine FBiH», broj 12/03 i 34/03 i 65/13) (dokaz: izjava potpisana i ovjerena od nadležnog općinskog organa,
- da nije izabrani dužnosnik, nositelj izvršnih dužnosti ili savjetnik u smislu Zakona o sukobu interesa u organima vlasti Federacije Bosne i Hercegovine ("Službeni novine FBiH", broj: 70/08), (dokaz: izjava potpisana i ovjerena od nadležnog općinskog organa),
- da nemaju privatni interes u ustanovi u kojoj se kandidiraju u smislu člana 2. tačka 1.2. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13), (dokaz: potpisana izjava, ovjerena kod nadležnog općinskog organa),
- da nisu osuđivani za krivično djelo i privredni prestup koji su nespojivi sa pozicijom za koju se kandidiraju (dokaz: uvjerenje nadležnog MUP-a),
- da mi pravosnažnom presudom nije zabranjeno obavljanje aktivnosti u nadležnosti ustanove za koju se kandidiram, (dokaz: potpisana izjava, ovjerena kod nadležnog općinskog organa),
- da nisu članovi upravnog/nadzornog odbora u više od dvije institucije (potpisana izjava, ovjerena kod nadležnog općinskog organa).

Posebni kriteriji za imenovanje kandidata

Pored općih kriterija, kandidati za predsjednika i članove Upravnog odbora moraju ispunjavati sljedeće posebne kriterije:

- da imaju završenu srednju stručnu spremu, IV stepen (dokaz: diploma/svjedodžba o stečenoj stručnoj spremi – ovjerena kopija) i (2) dvije godine radnog iskustva i u uvjerenje o radnom iskustvu (dokaz: potvrda ili uvjerenje) i,
- da imaju visoku ili višu stručnu spremu VII/VI stepen, odnosno visoko obrazovanje prvog, drugog ili trećeg ciklusa Bolonjskog sistema (dokaz: diploma – ovjerena kopija) i (2) dvije godine radnog iskustva (dokaz: potvrda ili uvjerenje),

IV. Podnošenje prijava

Kandidati su dužni priložiti u originalu ili ovjerenoj kopiji dokaze pobrojane u član III javnog oglasa i popunjen prijavni obrazac koji se nalazi na Info centru Općine Busovača i službenoj web stranici Općine Busovača (www.opcina-busovaca.com).

Kandidati koji budu stavljeni na listu za uži izbor pozvat će se na intervju. Nakon obavljenog intervjua Komisija/Povjerenstvo za izbor, pismenom preporukom će predložiti Općinskom vijeću rang listu s najboljim kandidatima na dalje postupanje.

Konačno imenovanje kandidata izvršit će Općinsko vijeće Busovača.

Zainteresirana stranka može podnijeti prigovor na konačno imenovanje, ako vjeruje da u procesu izbora/imenovanja nisu ispoštovana načela utvrđena Zakonom o ministarskim, vladinim i drugim imenovanjima Federacije BiH.

Prigovor se podnosi Općinskom vijeću, a kopija se dostavlja Ombudsmenu za ljudska prava Bosne i Hercegovine.

Javni oglas ostaje otvoren 15 (petnaest) dana od dana objavljivanja u Službenim novinama Federacije Bosne i Hercegovine, dnevnom listu Večernji list i Dnevni avaz, službenoj web stranici Općine Busovača (www.opcina-busovaca.com), oglasnoj ploči Općine Busovača i oglasnoj ploči Dobrovoljnog/Dragovoljnog vatrogasnog društva Busovača.

Prijave na propisanom obrascu sa traženim dokumentima treba dostaviti osobno na protokol Općine Busovača ili preporučeno poštom na adresu:

OPĆINA BUSOVAČA
Povjerenstvo/Komisija za izbor
16 kolovoz/august
72260 Busovača

sa naznakom „Prijava na Javni oglas za imenovanje članova Upravnog odbora Dobrovoljnog/Dragovoljnog vatrogasnog društva Busovača – ne otvaraj.

Neblagovremene i nepotpune prijave na Javni oglas neće biti razmatrane.



OPĆINSKI NAČELNIK

Asim Mekić, dipl. ing.